

CBS ta informa:

Resultadonan preliminar di e Censo Economico Piloto den e area di Santa Cruz

Durante e periodo di 1 te cu 8 di september 2014, Oficina Central di Estadistica (CBS) a organisa un Censo Economico Piloto, caminda tur e establecimentonan ubica den e distrito di Santa Cruz a ser bishita door di 4 encuestado. Meta di e Censo aki tabata pa test y evalua tur e preguntanan y tambe e logistica cu lo ser aplica durante e Censo Economico cu lo tuma lugar for di 20 di october te cu 17 di november 2014.

E Censo Piloto a resulta den un exito rotundo caminda tur comerciante den e area di Santa Cruz a haci nan maximo esfuerso pa contesta tur e preguntanan cu a ser haci na nan.

Aki ta sigui parti di e resultadonan preliminar di e Censo Piloto den e area di Santa Cruz:

- A conta 94 compania y di cual 66 compania sin filial, 3 oficina principal y 25 filial;
- E aña cu mas compania a cuminsa opera na Santa Cruz tabata na 2013, cual ta 12% di compania cu a indica nan aña di opera;
- Di e companianan cu ta opera na Santa Cruz, 27% a cuminsa opera desde 2012 te cu 2014;
- E compania cu tin mas tempo ta opera den Santa Cruz ta data di aña 1961;
- E luna di aña mas atractivo pa habri negoshi na Santa Cruz ta juni cu 17%;
- E luna di aña menos atractivo pa habri negoshi na Santa Cruz ta april cu menos cu 2%;
- A base di e Censo Piloto a registra 406 empleado na Santa Cruz;
- Di e 406 empleadonan aki 43% ta hende muher y 57% ta hende homber.

Awor t'asina leu cu e siman aki ta cuminsa cu e 4 diano di training y preparacion pa e 34 encuestadonan y tambe esnan di reserva pa e Censo Economico 2014, kendenan tin e tarea pa entrante dialuna 20 di october te cu 17 di november 2014 bishita tur e establecimentonan den tur e otro districtonan di Aruba.

Oficina Central di Estadistica (CBS) ta spera cu tur doño, director y/of manager di e establecimentonan lo duna nan maximo cooperacion y asina yuda haci e Censo Economico aki un exito rotundo.